

## ՀԱՅԱԳԻՏՈՒԹՅԱՆ ԱՆՓՈԽԱՐԻՆԵԼԻ ՆԱՀԱՊԵՏԸ

ԽԼՂԱԹՅԱՆ ԽՈՍՐՈՎ

«Գեղամա աշխարհ» թերթի գլխավոր խմբագիր

e-mail: khosrov1@yandex.com

Ականավոր հայագետ, գրող ու բանաստեղծ Ալիշանի թողած գրական ու գիտական ժառանգության խորքերը շատ քննադադարներ են թափանցել, սակայն երևի թե ոչ մնելին առայժմ չի հաջողվել ամբողջության մեջ բացահայտել հայոց հանճարեղագույն մրավորականի սրեղծագործության դիեզերական սահմանները, որոնք ձգվում են աշխարհագրությունից մինչև պատմություն, գրականագիտությունից մինչև լեզվաբանություն, գրաբար հայերենից մինչև աշխարհաբար հայերեն, բանաստեղծությունից մինչև բանահյուսություն, արվեստագիտություն, մագենագիտություն: Այդ ամենի հանրագումարը կարելի է խրացնել մեկ բարի մեջ, որի անունը Հայրենագիտություն է, որտեղ դժվար թե Ալիշանն ունենա իր բարձունքին հավասար մրցակից: Նրան երբևէ բախսր չվիճակվեց գոնե մեկ անգամ ու մեկ ակնթարթ ուղը դնել Հայաստանի հողի վրա, շնչել նրա կենարար օդը, խմել նրա անուշահամ ջուրը, հոգուրել այն ծաղիկների բույրը, որոնք անուն առ անուն նկարագրված են նրա աշխարհություններում: Փոխարենը Ալիշանն այդ ամենը զգացել է հոգով ու կլանել ամբողջովին՝ իր սրբածագավալ աշխարհություններով գծելով հոգևոր Հայաստանի սահմանները, որոնք մի օր հրաշքով պիտի դառնային իրական ու պետական սահմաններ: Ալիշանն իր սրեղծագործությամբ ոչ միայն առաջ մղեց հայ միտքը, այլ նաև ազգային ազգագրական շարժումը՝ անցյալի փառքի նկարագրության օրինակով թևակիրելով ու ոգևորելով ժամանակի հայ երիտրասարդությանը: Շուրջ երկու դար նրա սրեղծագործությունների փայլը ոչ միայն չի խամրում, այլ նաև ավելի վառ է շողջողում՝ ի մի հավաքելով աշխարհասիյոտ հայության բեկորները հոգևոր ու աշխարհիկ Հայաստանի շուրջ, ազգային իդեորի իրականացման գաղափարի շուրջ: Այս աշխարհանքը մի համեստ փորձ է՝ արժնորելու և գնահատելու այն խիզախումը, որն Ալիշանի անունն ապրեցրել ու ապրեցնելու է դարերի հավերժության մեջ, այն խիզախումը, որն Ալիշանն իրականացրեց հայրենանվիրության, գերջանքերի ու գրկանքների գնով:

**Բանալի բառեր՝** հայրենագիտություն, հայագիտություն, գրականություն, բանաստեղծություն, պատմություն, բնագիտություն, աշխարհագրություն, բուսաբանություն, արվեստագիտություն, մագենագիտություն:

Ղևոնդ Ալիշանը հայագիտության և հայ գրականության այն ականավոր դեմքն է, որը երբեք չի իջնելու իր տիեզերական բարձունքներից, որքան էլ որ հայ սերունդները հեռանան նրա ապրած ժամանակներից: Նա, ոչ մի անգամ չգտնվելով իր մայր

հայրենիքում, չշնչելով հայրենի օդն ու մի կաթիլ անգամ չխմելով հայրենի ջրից, չտեսնելով Հայաստանի ծաղկածիծաղ բնությունը, անուրանալի հանճարով կարողացել է իր ժողովրդի դատին հանձնել հայոց պատմության, հնագիտության, աշխարհագրության վերաբերյալ բազմաթիվ ստվարածավալ ու արժեքավոր աշխատություններ՝ «Տեղագիր հայոց մեծաց», «Ծնորհալի եւ պարագա յուր», «Ծիրակ», «Սիսվան», «Սիսական», «Այրարատ», «Հին Հավատք կամ հեթանոսական կրոնք հայոց», «Հայապատում» և բազմաթիվ ու բազմապիսի այլ հետազոտություններ, որոնք փաստական հսկայական նյութ են պարունակում մեր ժողովրդի պատմական անցյալի համարյա բոլոր շրջանների և գրեթե բոլոր բնագավառների վերաբերյալ։ Ականավոր հայագետի թողած գրական հսկայական ժառանգությունն այսօր էլ, ավելի քան մեկուկես դարի վաղեմությամբ, չի կորցրել իր արժեքն ու փայլը, հանրագիտարանային հզոր նշանակությունը։

Օտարների դաժան ու ազգասպան լուծը, որ փոքր ընդմիջումներով շարունակվել է հազարամյակների տևողությամբ, մեզ պատմության տիխուր ճակատագրի բերումով դարձրել է պանդուխտ ու գերի, ցաքուցրիվ, անհայրենիք ազգ, ու շատ դեպքերում Հայաստանը հայ մարդկանց սրտերում ապրել է ավելի շատ որպես երազանք, քան թե իրականություն։ Իսկ երազանքը ցանկացած իրականությունից շատ ավելի գրեթե ու իրեն քաշող սրբություն է։ Այդ անազորույն լուծն ու բռնամնշումն էր այն միակ գործոնը, որի պատճառով պետականությունից տևական ժամանակով գրկված հայությունը հարկադրված եղավ իր կրթությունը, լեզուն, գրականությունը, գիտությունը, մշակույթն ու արվեստը ավելի շատ զարգացնելու օտար երկնքի տակ, քան թե բուն հայրենիքում։ Հայ մշակույթի խոշորագույն կենտրոնները նախորդ դարերի ընթացքում ծաղկում էին Պոլսում, Մոսկվայում, Մադրասում, Թիֆլիսում, Վենետիկում, զանազան այլ երկրներում, քան թե Հայաստանի տարածքում, որը բաժան-բաժան էր արված հարևան նվաճող երկրների միջև։ Բոլոր նվաճողներն անողորմաբար մի բանի էին ծգոտում հայ ժողովրդի բռնի ծովմանը, ազգային ինքնության ու մշակույթի ոչնչացմանը, և այդ պայմաններում շատ ավելի հերոսական կամք էր հարկավոր՝ օտարների պարտադրանքի, երբեմն էլ մշակութային հզոր միջավայրի ներքո զարգացնելու ու պահպանելու հայագիտությունը՝ հայապահանությունը դարձնելով գերազույն նպատակ։

Միջթարյան միաբանության նշանավոր հայրերը, հնդկահայ, ռուսահայ, պոլսահայ ու թիֆլիսահայ բոլոր մտավորականները իրենց ստեղծագործություններում կերտում էին հոգմոր Հայաստանը, փորձում ի մի հավաքել իրենց ցաքուցրիվ հայրենիքը, որպեսզի օրերից մի օր գար այդ երջանիկ ակնթարթը՝ Հայոց պետականության ծնունդը։ Այլշանը ստեղծագործական բոլոր ուղղություններում դրեց հայկականության ոգին, որպեսզի երազանքի Հայաստանը գալիքների մեջ դառնա իրական, ապրող ու շնչող Հայաստան։ Դրա համար նա անցած դարերի ճակատից սրբում էր

մոռացության փոշին, պեղում հայոց անցյալի հոգևոր գանձերն ու երբեմնի փառքը և այն պատգամում գալիք սերունդներին:

Ալիշանը, ապրելով և ստեղծագործելով վանքի պատերի ներքո, Մխիթարյանների դավանած կլասիցիզմի ու գրաբար լեզվի ազդեցության տակ, հատկապես «Նահապետի երգեր» բանաստեղծությունների շարքով հաստատեց իր ուրոյն տեղը հայ նոր գրականության պատմության մեջ: Նա պոեզիան դարձրեց հայ լյանքի կենտրանի արձագանքը: «Պլպուն Ավարայրի», «Հայոց աշխարհիկ», «Հրազդան» և Նահապետի մյուս երգերի հայրենասիրական-մարտական ոգին համահունչ էր 19-րդ դարի 40-50-ական թվականներին հայ իրականության մեջ թափ առած ազգային ազատագրական ձգութաներին: Ալիշանը հարթեց հայ պոեզիայի հետագա զարգացման ուժին: Նրա հայրենասիրական քնարից ստեղծագործական ներշնչումներ ստացան ականավոր գրողներ Ռաֆիայել Պատկանյանը, Մկրտիչ Պեշիկթաշյանը, Շաֆշին, Դանիել Վարուժանը, գրական այլ մեծություններ: Վարուժանի ներշնչանքը Ալիշանից ցայտուն ծևով ընդգծված է: «Յեղին սիրտը» ժողովածուամ ընդգրկված «Ալիշանի շիրիմին առջեւ» բանաստեղծության մեջ: Հայ ցեղի երազներով ու ցավերով ապրող Վարուժանն այս ստեղծագործությամբ պարզապես քանդակում է Ալիշանի փառքի և անմահության հուշարձանը՝ նրան դասելով հայ մոտավորականության, ոգու և մտքի պարձանքների շարքերում:

«Քեզի եկա՝ իբր ովստավոր մը հոգնած,  
Որ կը գտնե հուսկ փոխարեն իղձերուն  
Շիրիմ մը՝ իոն ծնրադրելու սիրտը բաց,  
Եվ խոկալու, համբուրելու լուս աճյուն...

Վենետիկն իր պալատներով մարմարե  
Կը ձգե վրադ ստվերն իր լայն, միամած,  
Բուրգի մը պես՝ որուն ներքեւ կը նիրիե  
Արծիվն ամփոփ՝ արեւն հոգվոյն մեջ բանտած...

Ժողովեցի՛ր, վազք մը առնելով դեպ խլված Փառք,  
Բիբր՝ արցունքուտ, սիրտդ օվկիան՝ վիրամած,  
Եվ սրբեցիր՝ զանոնք ըրած դաստառակ՝  
Աչք ու աչքերը Սերունդին կերեքված:

Քողեն մութի, մոռացումի, լուսության  
Հանեցիր մեր դափնիներու թերթերն իին,  
Եվ դնելով զանոնք երգի մը վրան՝  
Առե՛ք, ըսիր, վիրածոր շողն Անցյալին:

Ծըռած սըրտին հայ՝ սերտեցիր ու դարձար  
Յուրաքանչյուր խորքն անկյունի եւ ծալքի.  
Իջար անոր ամեն անդունդն իջրավառ  
Եվ քըրքրեցիր ճընշված խորշն արցունքի:

Ո՞հ, Աստված իմ, ի՞նչ ըղեղ էր ատիկա,  
Որ տիեզերքին քամեց երակը համայն.  
Հենած մարդուն, ճառագայթին, խաչին վրա,  
Գըրկեց Այրին, զոր կը կոչեն Հայաստան:

Արծի՛վ, որ մոայլ ամպերն իրեղեն բիբերով  
Խորտակեցիր, մութին սառերն հալեցան.  
Արծի՛վ, որ մեր հոգին կարշնեղ ճպուռով  
Բարձրացուցիր, չափեցիր մեր ապագան:

Զինջ հայի մ’ ես՝ որտեղ ամեն մարդ կըրնա  
Գըտնել, դիտել պատկերն իր ճիշտ, հարազատ,  
Նըվագներուտ մեջ երբեմն ես քրիստոնյա,  
Զինվոր երբեմն, երբեմըն մոգ, միշտ Սոկրատ:

Եվ քու կյանքիդ ու երգերուդ մեջ ամեն  
Դու բանաստեղծ Նահապետն ես հոգեհմա.  
Բորբ արշալոյս մ’ ես, որ կելլա օվկիանեն,  
Ամպեն, մութեն՝ կը սըփիդ Մարդուն վրա:

Այն արշալոյսն, որ իր մտածման հետ անանց  
Սեւ սքեմով մ’ ամբողջապես պատված է.  
Եվ բոցե գլուխը սեւ գըտակ մ’ է դրած.  
Գիշերվա մեջ երկնինքն եւ էլ չքնաղ չէ՛...

Դու կը նընջե՞ս, վինըդ՝ բարձ, փառքըդ վերմակ,  
Ըստվեր կընեն վրադ դափնիները շուրջի.  
Եվ խաղաղ քունըդ կը հըսկե Հիշատակ.  
Դու կը նընջե՞ս, իբրեւ ծըննդյանդ օրն առջի:

Ամեն նոր դար նոր պիտ բերե քու անոն,  
Եվ դու դարձյալ պիտի ծընիս սըրտի մեջ,

Ո՞հ, ո՞չ, Երբեք չըվախճանիս պիտի դուն,  
Զի կապեցիր կյանք արեւոն հետ անշեց »:<sup>1</sup>

Ահա այսպես է իր մեծ ուսուցչին գնահատել ու հավերժացրել հայ գրականության ցեղակրոն հսկան՝ Դանիել Վարուժանը:

Նևոնդ (Քերովքե) Ալիշանը ծնվել է 1820 թվականի հուլիսի 18-ին Կոստանդնուպոլսում՝ դրամագետ-հնահավաք Պետրոս Մարգարի Ալիշանյանի ընտանիքում: Տասներկու տարեկան հասակում նրան տայիս են Վենետիկի ս. Ղազար վանքի դպրոցը («Ընծայարան»), ուր չորս տարի ուսանելուց հետո փոխադրվում է «Բարձրագույն կրթարանը»: Այստեղ էլ նա սկսում է գրական իր առաջին փորձերը: 1841 թվականին Ալիշանը նշանակվում է ուսուցիչ Վենետիկի Ռաֆիայելյան վարժարանում: Դասավանդմանը զուգնթաց՝ նա աշխատակցում է «Բազմավեպ» հանդեսին, որը լույս էր տեսնում 1843 թվականից: 1848 թվականին նա նշանակվում է հիշյալ վարժարանի տեսուց: Ալիշանը Վենետիկում է լինում, երբ բռնկում է հտալական ապստամբությունը ավստրիական ծի դեմ. նա լսում է վարժարանի առջևով անցնող հազարավոր հտալացի հայրենասերների ազատության ոգեշունչ երգերը, ականատես է լինում Վենետիկի փողոցներում մղվող մարտերին: Եվ այդ ամենը երիտասարդ բանաստեղծի վրա թողնում է ուժեղ տպավորություն: Հտալական ժողովրդի ազատագրական պայքարի այդ օրերին Ալիշանը գրում է «Մասիսու սարերն», «Բա՛մ, փորտան... և մի քանի այլ մարտաշունչ-հայրենասիրական բանաստեղծություններ»:

1850–1853 թվականներին նա զանազան առիթներով լինում է Հռոմում, Լոնդոնում, Փարիզում, Բեռլինում, Վիեննայում, ուր ուսումնասիրում է հայկական գրչագիր մատյանները, նյութական ու հոգևոր կովսուրայի հուշարձանները, նյութեր է հավաքում հայագիտական իր ուսումնասիրությունների համար: Այս ճանապարհորդության ընթացքում նա բնագրից թարգմանում է Բայրոնի «Զայլը Հարուլը» պոեմի չորրորդ երգը և գրում է մի շարք բանաստեղծություններ:

1858–1861 թվականներին վարում է Փարիզի Մուրայյան վարժարանի տեսչի պաշտոնը: 1859 թվականի ամռանը հայ ժողովորդի մեծ զավակ Միքայել Նալբանդյանը այցելում է Մուրայյան վարժարան, ուր ծանոթանում և գրուցում է Ալիշանի հետ: Իր հիշատակարանում Ալիշանի մասին նա խոսում է դրվագանքով. «Այս արժանապատիկ անձը ծանոթ է հայոց ազգին մանավանդ Նահապետ անունով: Նորա

<sup>1</sup> Դանիել Վարուժան, Երկերի լիակատար ժողովածու՝ Երեք հատորով, հատոր առաջին, Երևան, 1986, էջ 127-129:

«Ավագ և Փոքր Մասիս», «Հայոց աշխարհիկ», «Պլանը Ավարայրի» տաղերգությունը ջերմացուցել են շատ սրտեր Նահապետի անունի վերա»:<sup>1</sup>

1861 թվականի նոյեմբերին, թողնելով Փարիզի Մուրառյան վարժարանի տեսչի պաշտոնը, Ալիշանը վերադառնում է Սուրբ Ղազար: 1866 թվականին նա կրկին նշանակվում է Վենետիկի Ռաֆայելյան վարժարանի տեսուչ: Այդ պաշտոնը նա շարունակում է վարել մինչև 1872 թվականը, որից հետո ընդմիշտ թողնում է մանկավարժական գործունեությունը և ամբողջությամբ, մինչև իր մահը՝ 1901 թվականի նոյեմբերի 22-ը, նվիրվում է հայագիտությանը:

Ալիշան բանաստեղծն ստեղծագործել է մեկ տասնամյակից մի փոքր ավելի, այն է՝ 1840–1852 թվականներին, 20–35 տարեկան հասակում: Իր պոեզիան գրեթե ամբողջությամբ հետագայում նա ամփոփել է «Նուագը» (Նվագներ) ժողովածովի մեջ և հինգ հատորով հրատարակել 1857–1858 թվականներին: Բեղմնավոր է եղել Ալիշանը նաև որպես բանաստեղծ: Իիշալ 10–12 տարվա ընթացքում նա արտադրել է ավելի քան երեք տասնյակ հազար տող: Դեռ է նկատել, սակայն, որ Ալիշանի այդ ստվարածավալ բանաստեղծական ժառանգության մեծագույն մասը («Նուագը»-ի առաջին, երկրորդ, չորրորդ և հինգերորդ հատորները) խրթին գրաբարով գրված կրոնա-միստիկական չափածո խորհրդածություններ են, որոնք ընթերցող լայն հասարակության համար մնացել են անհասանելի և որևէ դեր չեն կատարել հայ գրականության պատմության մեջ: «Նուագը»-ի երրորդ՝ «Հայունի» բնորոշ խորագիրը կրող հատորում են ամփոփված Ալիշանի պատմա-հայրենասիրական բանաստեղծություններն ու պոեմները, որոնց մեծ մասը դարձյալ գրված է գրաբարով: Այս հատորում են «Երգը Նահապետի» շարքը կազմող աշխարհաբար այն գործերը, որոնք հոչակել են Ալիշան-բանաստեղծի անունը և նրա համար պատվավոր տեղ նվաճել հայ նոր գրականության պատմության էջերում:

Քանակով շատ չեն այդ գործերը, սակայն մեծ է նրանց ազգապահպան ու գաղափարադաստիարակչական նշանակությունը:

Հայ նոր գրականության հիմնադիր Խաչատոր Աբովյանի կողքին գրեթե նոյն ժամանակներում Ալիշանը դարձավ այն ստեղծագործողը, որը փորձում էր գրականությունը ժողովրդին հասանելի դարձնել նրա առօրյա խոսակցական լեզվով: Ուշագրավ է, որ Ալիշանը, նախքան «Նահապետի Երգեր»-ը հրատարակելը, հանդես է եկել որպես ժողովրդական բանահյուսության, մասնավորապես պոեզիայի առաջին գնահատողներից մեկը մեր իրականության մեջ. այսպես՝ 1845 թվականին «Բազմավեպ»-ում տպագրված, «Ռամկական Երգեր» խորագիրը կրող հոդվածում նա գրում է. «Ռամկական Երգը ազգային ոգվոյն մեկ ձայնն է, որ շատ հեղ ուրիշ կողմանե մեռած

<sup>1</sup> Մ. Նալբանդյան, Երկերի լիակատար ժողովածու, հատ. I, էջ 430:

կամ մարած ատեն ալ, դեռ այսպիսի երգոց մեջ կենդանի կմնա, անոր համար՝ ազգային երգ ալ կըսվի... Այսպիսի երգերը շատ անգամ ավելի լավ կիմացնեն ազգի հանճարը, քան թե ծանր գրվածքները, և կգտնվեն անոնց մեջ անանկ սքանչելի գրքվածք, որ միայն իրենց ռամկական անունին համար հասարակ բան կկարծվին, բայց ճշմարտությամբ գերագույն գրվածոց կարգը անցնելու են»: Այնուհետև մեջքերելով «Ուր կաքավու» («Նստյալ կայր ու լայր կաքվուն...») երգը՝ ավելացնում է. «Կիամարձակիմ ըսելու, թե այս երգս անոնցմե մեկն է, որոց վրա չկրնար մեկը բան մը ավելցնել կամ պակսեցնել, և կրնա գեղեցիկ օրինակ մը ըլլալ նաև օտար ազգաց, միայն թե հայերենին քաղցրությունը կարելի ըլլա պահպի, որ անկարելի է. և կարծեմ՝ ավելի վսեմ հայկական լեզվով ալ գրված ըլլար նե՛ նոյն աղվորությունը չէր ունենար»: Ապա «ուստամասեր և ազգասեր ընթերցողներին» կոչ է անում գրի առնել, հավաքել Հայաստանի այլայլ գավառների մեջ երգվող ժողովորդական այդ երգերը, «վասնզի անոնցմե կրնան շատ մարգարիտներ ելել, և թերևս ատենով հայոց գրականության տաճարին մեջը պատվավոր տեղ մը ունենալ»:<sup>1</sup>

Վենետիկի, Փարիզի, Լոնդոնի, Վիեննայի մատենադարանների հայկական գրչագիր մատյաններում տարբեր ժամանակներում գրի առնված ժողովորդական երգերն ի մի հավաքելով՝ Ալիշանը 1852 թվականին հայերեն և անգլերեն լեզուներով հրատարակում է մի ժողովածու՝ «Հայոց երգը ռամկականը» խորագրով: Ժողովածուն պարունակում էր 19 զանազան երգեր, այդ թվում նաև հետագայում համազգային հոչակ ստացած «Կոռոնկ, ուստի կուգա» երգը:

«Նահապետի երգեր»-ի հիմնական բովանդակությունը ազգային ինքնաճանաչման և ազգատագրության գաղափարն է, սերն ու կարոտը դեախ հեռավոր հայրենիքը: Մի առանձին հմայք ունեն հայրենի երկրի բնությանը նվիրված Ալիշանի թախծոտ ու սրտամորմոք երգերը՝ «Հայոց աշխարհիկ», «Հրազդան» և «Հայ հայրենիք»: Այս երգերում առանձնապես ուժեղ է արտահայտված պանդխտության ցավատանջ զգացումը, որ խորապես ապրել է ինքը՝ Հովհաննես Թումանյանի բառերով ասած՝ մեր միշտ պանդուխտ այսոր Նահապետը:

«Հրազդան» բանաստեղծությունը ընկերներին կորցրած պանդխուտի սրտահոյզ զրոյցն է հայրենի գետակի հետ, որ անդադրում կեղեցում է հայ մարդու հոգին.

Հրազդան, գետակդ իմ հայրենի,  
Հրազդան, ջրիկդ իմ անուշիկ,  
Սիա թողել զիողն օտարի,  
Բարկենս հասել եմ պանդըստիկ.

<sup>1</sup> «Բազմավեպ», 1845, ապրիլ 1, N7, էջ 109-111:

Այ Հրազդան, այ ջուրք հայրենիք,  
Այ ափոնք, է՞ր լայք լրոիկ...  
Դուք կարևորիկ է՞ր եք մոռցել,  
Ծիծղան երեսդ է՞ր սուգ ունի...!<sup>1</sup>

Մեր դասական գրականության մեջ պանդխտությանը նվիրված լավագույն բանաստեղծություններից մեկն է «Հրազդան»-ը, իր անմիջականությամբ նոյնքան հուզիչ, որքան և մեր ժողովրդական պանդխտության երգերը: Բանաստեղծությունը բողոք է մեր ժողովրդի անողոք ճակատագրի, նրա բազում թշնամիների դեմ, որոնք անդադար գալիս ու ամայացնում են մեր հայրենիքը, գերության քշում հարյուր հազարավոր խաղաղ մարդկանց՝ նրանց դարձնելով հայրենազորկ ու պանդուխտ, նրանց աչքը կարոտով թողնելով հայրենի տան ու հարազատների ճամփեքին:

Իմ ընկերներն ու՞ր են, Հրազդան,  
Միթե՞ պարսիկին եղան գերուկ,  
Միթե ամենն ի հո՞ղ մտան,  
Ա՞հ, անցուցնաց եղել է ամեն...  
Անցի՞ր, գընա, ջըրիկ հայրենի,  
Արտսունք հերիք են Բարենի:<sup>2</sup>

Այս բանաստեղծության ակունքներից է բխում Ռափայել Պատկանյանի հանրահոչակ «Արաքսի արտասուրը», որ պիտի լուս աշխարհ գար «Հրազդան»-ի երկնումից տասնամյակներ անց ու միանգամից տեղ գտներ հայ ժողովրդի սրտում:

Ի տարբերություն «Հրազդան»-ի ստեղծած թախծու ու հուզիչ տրամադրության՝ «Հայ հայրենիք» բանաստեղծությունն աչքի է ընկնում իր ընդգծված լավատեսությամբ, ապագայի հանդեպ խորին հավատով ու սպասվող հույսով: Դա խանդավառ գովք է հայրենի երկրի բնությանը: Գեղեցիկ է հայկական լեռնաշխարհի նկարագրությունը, որ տրված է պայծառ գովյներով ու մեղեդայնությամբ.

Հայո՞ց աշխարհիկ, գարունդ է հասել,  
Ահա գեղեցիկ գարուն քո եկել.  
Ո՞վ դու իմ վաղուց մոռցված հայրենիք,  
Ո՞վ դու իմ սըրտիս անմոռաց տեղիք...  
Այս բարձըր ժայռից, որ երկնուց են մոտ,  
Կենաց օրինության ծագե առավոտ...

<sup>1</sup> «Արևմտահայ բանաստեղծներ», «Լուս» հրատարակչություն, Երևան, 1982, էջ 13:

<sup>2</sup> Նոյն տեղում:

Լերինք եւ հովիտք ընդարձակ ու լայն  
Նախշուն զարդարին նոր հարսի նըման,  
Կապուտակ սարերդ գունըգուն պսակ,  
Կապեն ի գըլուփս զինչ նոր թագվորակ.  
Ի ծայրն սարից, որ երկնուց են մոտ՝  
Փղովի մինչ ի խորն հորոտն ու մորոտ...  
Հանց քեզ տերն է տվել գարոն գեղեցիկ,  
Որ դրախտի նմանիս, Հայո՞ց աշխարհիկ...

Սքանչելի է ծաղիկների բազմերանգ գորգը՝ փուլած լեռնալանջերով ու դաշտերով մեկ, սքանչելի են սարերից ի վար վագոր ու գոչգոշող վտակները, անմահական է հայրենի ջրի համը, ապրեցնող ու կենարար՝ հայրենի օդը, հովն ու զովը: Իսկ հողի քաղցրությունը հայ մարդու երակներում եռացող արյան մեջ է:

Մանկտիք, զիս հայոց հողն ու ջուրն սնուցել,  
Ես այն հող ու ջուր սրտով եմ սիրել...  
Հայաստանի օդն է քաղցր ու բարակ,  
Հովերն են անուշ, պայծառ են վտակը.  
Զուրն ու պտուղն համ տան անմահության,  
Խոտն ոսկեզօծ գառներու բերան.  
Ուկեթել ամպոց այգուն զովագին  
Թորթոր իջանե ցողիկ մանրագին,  
Կարմիր ճաճանչով արեիին շաղված  
Գա ի խավոծիլ, մանանա կենաց;  
Ո՞հ, լերունք ծաղկած, ո՞հ ջուր ծիծաղկոտ,  
Չանուշիկ հովերդ ի զիս ածեք մոտ.  
Հողմոնք անուշիկը, եկեք մոտ ի զիս,  
Շոնչ ու երգս առեք, տարեք ի Մասիս...  
Ծառն արմատով ծառ, տունն իհմամբն է տուն...

Ալիշանք հպարտանում է իր հայրենիքով՝ այն համարելով Աստվածաշնչյան դրախտը: Այստեղ՝ Արարատի սուրբ կատարին է հանգրվանել համաշխարհային ջրհեղեղից փրկված Նոյը, այստեղ է կազմավորվել ու զարգացել հայ ժողովուրդը, դարեղար մաքատել իր ազատության համար: Զորավոր ու սուրբ են եղել նրա արքաները՝ երկիր պաշտպանող ու շենացնող: Ապա մեր հորի վրա է իջել Աստվածային հայտնությունը՝ սուրբ նիզակով ու խաչով: Եվ այդ հայրենիքն առաջինն է

հասու եղել Աստվածային ճշմարտության լուսին՝ պահպանելով քրիստոնեության Նշխարներն ու արժեքները: Օտար նվաճողները շատ են ջանացել ջնջել մեր հավատի հետքերը, սակայն հայր տոկացել է աշխարհավեր բոլոր հողմերի դեմ: Եվ հավատում է Ալիշանը, որ հողմերից հետո մեր աշխարհի վրա կծագի արևը, օդը կլցվի գարնանային բոյրերով, խինդ ու ծիծաղով:

Ամպն եւ փողորիկ շուտով վերանա,  
Նոր արեւ, գարուն, ձառն ու այգին գա:  
Արմատք իին՝ նոր ճյուղ, իին ճյուղը նոր ծաղիկ  
Ընծայեն բնության, Հայոց աշխարհիկ...<sup>1</sup>

Հուզականությամբ լի է նաև «Պլպուն Ավարայրի» բանաստեղծույունը, որտեղ Ալիշանը մենախոսում է իինգերորդ դարի նշանավոր պատմագիր Եղիշե Ոսկեթերանի հետ, կիսում նրա մորմորը և հապատությունը, խոհերն ու պատգամները: Ալիշանի համար ևս թանկ անուններ են Ավարայրի արծիվ Վարդան Մամիկոնյանն ու նրա քաջ նահատակ զինվորները, ովքեր մարտիրոսվեցին հայրենի հողի ու հավատի պաշտպանության համար: Քաղցրազրուցիկ Եղիշեի ձայնը նա ուզում է բարձրագու տարածել աշխարհով մեկ, որպեսզի պանդուխտ հայրդիների համար այդ սրբազն ու ազգահավաք ձայնը լսելի լինի:

Թե կիսահոգի պըլպուխս նըման  
Ձենիկս հասնի ծեզ, որդիք թորգոմյան,  
Որդի՛ք, որոնց հարք քաջը ու առաքինիք  
Լըուցին զդաշտեր, զըրքեր ու զերկինք..  
Թե ի ծով սրտիդ կաթիլ մ' արունիկ  
Կաթե Հայ աղբուրըն կամ Պահլավիկ,  
Թե զիառըն հայրենյաց ծեզ ալ գրեք փառ,  
Հետ Նահապետիս ելեք ի Արտազ.<sup>2</sup>

«Հայ հայրենիք» բանաստեղծությունը սիրո անկրկնելի ծոն է Հայաստանին՝ այն երկրին, որը բանաստեղծը կրում էր իր սրտում՝ նրա տրուիյունը զգալով ամեն ակնթարթ: Անշուշտ, բանաստեղծության հիմքում ականավոր հայագետի՝ տարիների տքնածան աշխատանքն է, պրատումների, ուսումնասիրությունների արդյունքը: Հայրենի աշխարհը կենդանանում է իր հմայիչ առավոտներով, կուսական օդով,

<sup>1</sup> «Արևմտահայ բանաստեղծներ», «Լոյս» հրատարակչություն, Երևան, 1982, էջ 3-11:

<sup>2</sup> Նոյնը, էջ 12:

ձյունածածկ կամ ծաղկառատ լեռներով, ականակիտ աղբյուրներով, երգեցիկ հավքերով: Այշանին ծանօթ էին իր երկրի ամեն մի գյուղ, գավառ, լեռ, թուփ, քար, ծոր, ծաղիկ, բոլոր հերոսները, թագավորներն ու զորավարները, սրբերն ու եկեղեցու նվիրական հայրերը: Եվ այդ ողջ իմացությունը թափանցել է այս բանաստեղծության մեջ:

Վարդ կու թափեր աշխարհ Հայոց.

Ցողըն տեղայր զով ու սիրոն,

Զինչ մարգարիտն ի սատափոն,

Կարմիր-կանաչ, ծին ծիրանի

Գոտի ածվեր Հայաստանի:

Լերանց սարերն բարձրածայր

Ուկի պսակ եղան հավսար.

Հայոց գետերն հազարավոր

Իջանեին ճաճանչավոր...!

Հայ ժողովրդի ազգային-ազատագրական շարժման նկատմամբ Այշանի դիրքորոշումը պարզաբանելու տեսակետից խիստ ուշագրավ է «Մասիսու սարերն» բանաստեղծությունը՝ գրված 1849 թվականի մարտին, այն օրերին, երբ իտալացի հայրենասերները Վենետիկի փողոցներում հերոսական մարտեր էին մղում ավստրիական բռնատիրության դեմ:

Բանաստեղծությունը կառուցված է Փոքր և Ավագ Մասիսների միջև տեղի ունեցող երկխոսության վրա: Փոքր Մասիսը տարակուանք է հայտնում հայ ժողովրդի քաղաքական ինքնուրույնությունը վերականգնելու նկատմամբ:

Նա ժամանակակից հայերի սրտերը մեռած, սառած է համարում: Նա կարծում է, թե հայոց արևն անցել է և «մեզ արևմուտքի լուսիկն է մնացել»: Ավագ Մասիսը փարատում է Փոքրի տարակուանքը. այնպիսի սառը կրծքեր կան, որ ունեն «սիրտ հրավառ». քարից կայծ է դուրս գալիս, իսկ կայծից՝ կայծակ. արևը մտած է, սակայն նա նոր լրցուվ կծագի առավոտյան, ամպն էլ կփարատվի, մրրիկն էլ կդադարի:

Հայաստանի ճրագն էլ, որ մարած է թվում, կրկին կվառվի, որովհետև «իսկի անփոփոխ չէ բախտն աշխարհիս»: Փոքր Մասիսի այն հարցին, թե ե՞րբ պիտի վառվեն սրտերը, ե՞րբ պիտի տեսնենք այդ երջանիկ օրերը, Ավագը պատասխանում է.

<sup>1</sup> «Արևմտահայ բանաստեղծներ», «Լուս» հրատարակչություն, Երևան, 1982, էջ 14:

Երբ հետ դարերու առաջին անգամ  
Ես, Ավագ Մասիս, ներսուց որոտամ,  
Կանչեմ ու շընչեմ, արձակեմ ծովս, բոց,  
Սասանեցնեմ զԱրարատն նայոց,  
Այս ըլնի նըշան նայոց աշխարհին,  
Թե գա ժամանակ, որ գան փառքն այլ իին...

Փոքր Մասիսն իր հերթին մյուս սարերին ազդարարում է, թե՝

Երբ շարժի Ավագ, շընչե ծովս ու բոց,  
Նըշան է բարվու Աշխարհին հայոց:

Ուշագրավ են բանաստեղծության եզրափակիչ տողերը, որոնցով Նահապետը շարժման է կոչում Ավագ Մասիսին և հայ երիտասարդությանը.

Շարժի՞ր, հա՛ շարժիր, Ավագը Մասիս,  
Արձան պարծանաց Հայոց աշխարհին,  
Շընչե՛, հա՛ շընչե, ծըխիկ ծիրանի,  
Որ քո մանկը տյա հուտ նըշան ըլնի...  
Ահա շարժեցավ Ավագըն Մասիս...  
Ահա շարժեցան դաշտը Արարատա,  
Դուք այլ շարժեցե՛ք, մանկը Հայկա...

Մասիսի հրաբխային ժայթքման բանաստեղծական պատկերի մեջ Ալիշանը, անշուշտ, դրել է ապստամբության, ազատագրական պայքարի գաղափարը: Այստեղ արտահայտված է բանաստեղծի հավատը ժողովրդի ուժերի նկատմամբ, որ թեև թմրած է, բայց մի օր դուրս է հորդելու, ինչպես Մասիսի խորքում թաքնված հրաբխային կրակը: Ալիշանի հայրենասիրական պոեզիան գրեթե ամբողջությամբ հյուսված է պատմական հենքի վրա: Նրա համար պատմությունը ինքնանպատակ չէր: Բանաստեղծորեն վերակենդանացնելով հայ ժողովրդի անցյալի հերոսական դրվագները՝ նա ծգոտամ էր քաջ նախնիների արիության գործերով ոգեշնչել ժամանակակիցներին, նրանց մղել սխրագործության՝ հանուն հայրենիքի ազատության: Այս տեսակետից ուշագրավ են «Ճակատամարտ Զիրաայ և քաջակորովն Մուշեղ», «Երգ ու գնացք զօրացն հայոց ընդ Վահանայ Մամիկոնեոյ ի Ճաւարշական դաշին վրէժք» («Քա՛մ, փորոտան...»), «Աշոտ Երկաթ ի ծովուն Սևանայ» և, մանավանդ, «Պլասովն Ավարայրի» պոեմը, որի հմայքը մեծ է եղել ժամանակակիցների համար, և որը ներշնչել է Ռ. Պատկանյանին՝ գրելու իր «Քաջ Վարդան Մամիկոնյանի մահը»:

Խոսելով ազգային-պատմական հուշարձանների մասին՝ Ալիշանը նկատում է, «Ո՞հ, երբ այսպիսի հիշատակաց վրա շարժի գրիչն չի կրնար գոնե կարծեր չցատքեցնել. պատմիչն հանկարծ վիպասան կըլլա, բանադատն՝ բանաստեղծ...»:

Եվ իրոք, հայագիտական իր աշխատություններում պատմիչ ու «բանադատ» Ալիշանը երբեմն դառնում է վիպասան ու բանաստեղծ:

Ալիշանի անունն այլևս պատկանում է հայ ժողովրդին ու հայոց դարերին: Այս մասին առավել պատկերավոր հավաստում է Դանիել Վարուժանը:

Օր մը, գուցե, նույնիսկ քունեդ ալ զարթնուա՝  
Երբ հայ ճամփորդ մ' եկած դրախտի Երկրեդ՝ ա՛լ  
Ժռայիդ բերե քեզ՝ արցունքի տեղ անհոյս.  
Օր մը գուցե, զարթնուա նույնիսկ քունեդ ալ:  
Եվ իցի՛վ թե. դեռ պետք ունի Հայը քեզ.  
Հայը հյուղին, բանտին, վըշտին, խավարին.  
Հայն որ, անգետ, կը սայթաքի աղեկեզ.  
Եվ Հայն, որ, նենգ, կը սայթաքե մոլեգին<sup>1</sup>:

---

<sup>1</sup> Դանիել Վարուժան, Երկերի լիակատար ժողովածու՝ Երեք հատորով, հ. առաջին, Երևան, 1986, էջ 129:

## THE IRREPLACEABLE PATRIARCH OF ARMENOLOGY

KHLGHATYAN KHOSROV

*Editor-in-Chief of "Geghama Ashkhar" newspaper*

Many critics tried to penetrate into the depths of the literary and scientific heritage left by the outstanding Armenologist, writer and poet Alishan, however, probably no one has yet succeeded in revealing in integrity the universal boundaries of the work of the brilliant Armenian intellectual, boundaries that stretch from geography to history, from literary studies to linguistics, from garbar /old Armenian/ to new Armenian, from poetry to folklore, art history, bibliography. All this can be summed up by one word, which is called Homeland studies, where Alishan is unlikely to have a worthy rival equal to him. He was never lucky enough to step on Armenian land at least once and for a moment, to breathe its life-giving air, to drink its delicious water, to smell the scent of flowers, which are described name by name in his works. In return, Alishan felt it all with his soul, completely absorbed it, outlining the boundaries of spiritual Armenia with his large-scale works, which one day were supposed to become real and state borders. With his work, Alishan promoted not only the Armenian thought, but also the national liberation movement, inspiring the Armenian youth of that time with an example of describing the glory of the past. For almost two centuries, the splendor of his works has not only faded, but also shines brighter, gathering the fragments of all Armenians of the world around spiritual and secular Armenia, around the idea of realizing national aspirations. This work is a modest attempt to value and appreciate the courage that the name of Alishan revived and continues to revive in the eternity of centuries, the courage that Alishan showed at the cost of patriotism, hardships and deprivation.

**Keywords:** *patriotism, Armenology, literature, poetry, history, natural science, geography, botany, art, bibliography.*

## НЕЗАМЕНИМЫЙ РОДОНАЧАЛЬНИК АРМЕНОВЕДЕНИЯ

ХЛГАТЯН ХОСРОВ

*Главный редактор газеты "Гегама Ашхар"*

В глубину литературного и научного наследия, оставленного выдающимся арменоведом, писателем и поэтом Алишаном, многие пытались проникнуть, однако, наверное, никому ещё не удалось раскрыть в целостности вселенские границы творчества гениального армянского интеллигента, границы, которые простираются от географии до истории, от литературоведения до языкоznания, от древнеармянского до новоармянского, от стихотворения до фольклора, искусствоведения, библиографии. Все это можно

суммировать одним словом, название которого - Родиноведение, здесь у Алишана вряд ли найдется достойный соперник. Ему так и не удалось хотя бы раз, на мгновение, ступить на землю Армении, подышать его животворящим воздухом, выпить его вкусную воду, понюхать аромат тех цветов, которые поименно описаны в его работах. Взамен, Алишан все это почувствовал душой, полностью впитал в себя и своими масштабными трудами начертал границы духовной Армении, которые в один прекрасный день должны были стать реальными и государственными границами. Своим творчеством Алишан продвигал не только армянскую мысль, но и национально-освободительное движение, окрыляя и вдохновляя армянскую молодежь того времени примером описания славы прошлого. На протяжении почти двух столетий великолепие его произведений не только не тускнеет, но и сияет ярче, собирая воедино обломки армян всего мира вокруг духовной и светской Армении, вокруг идеи воплощения национальных чаяний. Эта работа - скромная попытка воздать должное и оценить то мужество, которое вдохнуло жизнь в имя Алишан и продолжает оживотворять его в вечности веков, ту отвагу, которую Алишан проявил ценой патриотизма, сверхусилий и лишений.

**Ключевые слова:** родиноведение, арменоведение, литература, поэзия, история, естествознание, география, ботаника, искусство, библиография.

Հոդվածը ներկայացվել է խմբագրական խորհուրդ 10.07.2020թ.:

Հոդվածը գրախոսվել է 16.09.2020թ.: